



Universitätsbibliothek Paderborn

Summula Casuum Conscientiæ

In Qva Agitvr De Præceptis Ecclesiæ, De Officio Confessarii, Ac De
Censvris

Petrus <a Sancto Josepho>

Coloniæ Agrippinæ, 1652

Articulus I. Notanda Confessario, circa confessionem, & dolorem
pœnitentis.

urn:nbn:de:hbz:466:1-41572

CAPUT II.

DE REQVISITIS IN CONFESSARIO,
quando actu confessiones audit.

ARTICVLVS I.

*Notanda Confessario circa confessionem, & dolorem
pœnitentis.*



N *Sacramento pœnitentia quatuor considerari debent, nempe confessio, dolor internus, satisfactio, & absolutio: circa quæ omnia, & singula Confessarius nonnulla obieranda habet.*

Citac *primum notandum est, Confessarium curare debere ut pœnitens integrè confiteatur omnia peccata mortalia quæ patravit, non tantum quoad speciem, sed etiam quoad numerum.* Quare quando probabilititer credit pœnitentem ex negligentia, aliquid necessarium ad integratatem confessionis omittere, tenetur cum interrogare circa id quod prætermittente existimat, illumque non præmissa eiusmodi interrogatione absoluens, peccat mortaliter.

Verum si ex circumstantiis persona, aut modi quos confessio, verisimile est pœnitentem nihil graue omittere, confessarius non tenetur eū interrogare. Quando autem probabilititer credit se ad hoc teneri, non debet esse nimis scrupulosus in exquirendis peccatis pœnitentis, sed ea tantum interrogare debet, quæ probabiliter putat ab eo, spectata illius conditione, patrata esse. Præsertim vero cautè procedere debet in expendendis peccatis castitati aduersantibus, ne curiosis interrogationibus temptationis, aut scandali materiam subministret; aut ne simpliciores doceat, quæ circa periculosa hanc materiam vtiliter ignorant.

E 6

Quan-

Quando confessarius nouit ex alterius relatione, pœnitentem peccatum aliquod perpetrasse, ipse tamen interrogatus negat se illud commisisse; nō propterea debet illi absolutionem negare. Quod si confessarius ipse videt peccatum aliquod mortale a pœnitente committi, quod ille postea reticerit in confessione, tunc si probabiliter iudicare potest, eum alteri confessum esse, debet illum absoluere. Secus, si constet nemini confessum.

Circa secundum notandum est, confessarium debere pœnitenti absolutionem negare; quando constat eum non esse legitimè dispositum; sufficienter autem disposito teneri absolutionem conferre, siue si ordinarius, siue delegatus. Ceterum pœnitens debet esse ritè dispositus, tum respectu temporis præteriti, ita ut graui obligationi satisficerit; tum respectu præsentis, ita ut verè doleat de peccatis commissis; tum respectu futuri, ita ut firmiter proponat peccata, eorumque occasiones deinceps cauere. Ut autem hæc doctrina illustrior euadat, quædam dubia breuiter hic enodanda sunt:

ARTICVLVS II.

De occasionib[us] peccatorum.

DVBIVM est i. quomodo se gerere debeat confessarius erga pœnitentem, qui versatur in proxima occasione peccandi. Ad quod responderi potest, supposita duplice distinctione: Nam in primis alia est occasio peccandi remota, alia proxima; remota dicitur, quidquid potest esse causa peccati, vel raro ad illud inducit; qua ratione omnes ferentes mundi dicuntur occasio peccati: proxima vero vocatur illa, qua ad peccatum saepe pœnitentem inducere solet. Rursus occasio proxima, vel est voluntaria, vel non; dicitur voluntaria, si sine graui incommodo dimitti possit; non voluntaria vero, quando dimitti nequit.